



# Daifim

An Official Organ of YMA, Khuangpuilam Branch.

**YMA MOTTO**

Hunawl hman that  
Zofate hmasawna ngaihtuah  
Kristian nundan tha ngaihsan

Khawchin : Source - Accuweather.com



Khua a that rin a ni.  
Temp - Max: 28°C Min: 16°C  
Dar 5:44-ah ni a chhuak ang a,  
Tlai Dar 6:30-ah a tla leh ang.

**Tunkar chang vawn :** Thuhrlitu 5:1 "Pathian ina i kal lain i ke veng tha rawh;mi ate inthawina ai chuan ngaithla tura rawn hnaih hi a tha zawk si a; thil thalo an tih an hre si lo.

**TUALCHHUNG CHANCHIN**

☛ Pu F. Lalhmingmawia(Amawitea) s/o Pu F. Khuanga, Chawngbawla Section damlohna avanga Nazaret Hospital Kolasib awm pawh dam takin dt 25/2/2021(Ningani) khan a lo chhuak a. A lo dam chian zel theih nan duhsakna kan hlan e.

☛ Dt.26/2/2021 (Zirtawpni) khan Pu R.Lalawmpuia(OPA) s/o Pu Vanlalsawma, Vanapa Section Committee member nilai leh R. Lalchhuanawmi te chu Khuangpuilam Presbyterian Kohhran Biak In ah an inkutsuih a, hun kal zel turah nupa hlim tak leh lungrual tak an nih theih ngei nan duhsakna kan hlan e.

**Hriattirna**

Pu PC Lawmkima S/o Lalngura (L), Khuangpuilam, Kolasib hian a Periodic Patta No. 501603/09/440 of 2007, Phaisen a mi hi tibova rawn insawiin Office-ah re-issue a rawn dil a. A dil anga tihsak a rem lohna tur chhan eng pawh hria chuan chanchinbu a chhuah a tanga ni 30 hma ngeiin a hnuaia address ziakah hian hriattir tur a ni. Hetianga Periodic Patta pek chhuah leh a lo nih chuan Periodic Patta hmasa chu cancelled nghal a ni ang.

Sd/-  
Settlement Officer  
Land Revenue & Settlement  
Kolasib District: Kolasib

**VC Hriattirna**

Khuangpuilam Village Council huam chhunga In sa tur reng reng chuan Khuangpuilam veng chhung a lo felfai a, hun kal zel turah changkanna kawng kan zawh zel theih nan In sak tan hmain bialtu VC hnenah kan In sakna hmun hma en fiah tura inhriattir theuh turin kan in ngenin kan beisei a ni.

**FOOD, CIVIL SUPPLIES & CONSUMER AFFAIRS THUPEK**

**Khuangpuilam the 28<sup>th</sup> February,2021:-** IOCL revised Retail Selling Price tihchhuah angin, Mizoram chhungah 14.2 Kg Domestic Subsidised Rate leh 19 Kg Commercial Rate chu a hnuaia mi ang hian bithliah thar a ni a 25th February, 2021 atanga hman tan tur a ni. LPG Distributor awmna khua hrang hranga LPG Rate thar :

Sl No	Location	IOCL Retail Selling Price	
		14.2 Kg Domestic	19 Kg Commercial
1.	Vairengte	₹.937.50	₹.1816.50
2.	Mizoram pumpui (Vairengte tello)	₹.946.00	₹.1833.50

2. A chung rate tarlan a 14.2 Kg. te hi Home Delivery a hralh dawn chuan Rs.70.00 belh zel tur a ni a, Showroom/Godown a hralh dawn erawh chuan Rs.27.60 zel paih thung tur a ni. Point Delivery a sem chhuah a nih chuan a chung a rate tarlan bakah Rs.7.53 belh tur a ni.

3. LPG Distributor khaw chawm te (Distributors Demarcated Villages): He Office Order No. 1.21011 /I(A)/2008/DTE(SPY) dt. 25.11.2014 a LPG Distributor tin te chawm tur khua leh an hlat zawng tarlante, Order No.I.21011/I(C)/2010/DTE(SPY) Vol. II dt. 21.1.2015 a Km zat leh pawisa chawi belh ngai zat tarlante hmangin a chung rate tarlan nen a chhutchhuak in LPG Distributor ten an huamchhung theuh khuaah Gas an sem thin tur a ni.

4. A chung, serial no. 2&3 a instruction tarlan te hi hun laklawh a IOCL lamin a rate an ti danglam a nih pawhin instruction tarlan ang hian kalpui zel tur a ni ang.

**NGENNA LEH HRIATTIRNA**

Khuangpuilam Branch YMA chuan Krismass leh kumthar vvatveta thlan cheina hi kumtin January thla chhungin senghawi thin ni se a ti a, Lungphun leh kum laklawh a thlan chei thin te chuan thla khat hnu ah thenfai leh nghal thin tur a ni a, hei hi mitthi chhungten ngai pawimawh theuh turin Br. YMA chuan min ngen a ni.

Hei bakah hian Thal khaw ro lai kan lo thleng leh ta reng mai a, ram tihkan palh hlauhawm hun lai hian mitin te fimkhur a, kang mei laka kan lo him nan tupawh fimkhur theuh turin kan inngen tak meuh meuh a ni. Fimkhur loh vang emaw, tihpalh thil vanga ram kan tih kan hian pawisa tam tak chawi theihna a ni tih i hre theuh bawh ang u.

Sd/-  
Secretary,  
Khuangpuilam Br. YMA

**SP KOLASIB THUCHHUAH**

Mipui him zawkna atan lirthei chet vel dan turah SP Kolasib chuan thupek a chhuah. Bairabi khawchhung (NH-154) kawng chu Bairabi khua a lo than len tak zel avang leh motor vei vak a lo tam tak zel avangin, khawchhunga lirthei tlan dan a lo fel fai nan leh mipui te kan him tlan zawkna atan date 01.03.2021 a tanga thu leh awm hma chu Motor lian chi reng reng Bairabi khawchhunga bungrua phur tur emaw dah tur ni lo, tih tur pawimawh nei lo tan Bairabi Bypass Road (from NH-154 to FCI Godown) lamah tlan vek tur a ni. He thupek zawm lo chu 177 MV Act hmanga hrem theih ani a. He thupek hian tul bik thila Police, Fire Dept., Ambulance, Magistrate- te chet velna a huam lo ang.

He thuchhuah chungchanga harsatna tawh emaw report neite chuan O/C Bairabi PS (Ph. No. 8794723770 / 8974687205).

**Editorial Board :**  
*Represent: Nl Florence Zoremsangi*  
*Editor: Pu Lalsiamkima*  
*Jt. Editor : Ricky MS Dawngzela*  
*Treasurer: Nl Thanghmingliani*  
*Cir.Manager : Tv. Samuel Lalpekhlua*  
*Contact No: 9612761781 / 9612691291*  
*9862501858 / 8575946381*

**FLS Station - 9612566886**  
**Chawngbawla Section**  
 Leader : Tv R.Lalnuntluanga  
 82599 60032  
 Secretary : Pu Samuel Lalremruata  
 9862094257  
**Vanapa Section**  
 Leader : Pu Lalchuailova  
 87300 99599  
 Secretary : Tv. Lallawmzuala  
 87875 41803  
**Khuangchera Section**  
 Leader : Pu Lalramzaua  
 76408 95924  
 Secretary : Tv Lalremruata  
 7005131514

**Editorial.....✍**  
**HRUAITU LEH HOTU**  
 Mizoram hi ‘Land of Association’ tih mai turkhawpa pawl chi hrang hrang tamna a ni a. Engemaw pawl/kohhran a hruaitu nihna nei chin chauh pawh hi inkhalhkhawm ila member-te tel lo pawhin tam tham fe chu an ni ngei ang.  
 Pawl hruaina kawnga hnarkaitute chu HRUAITU kan ti a, hruaitu nihna phur chhuak turin mitinin kan beisei thin. Engkimah hma hruai tur leh inpe em em turin kan beisei a, . Tha leh zung, sum leh pai thlenga inpekna thak tak nei turin kan beisei deuh tlat bawk. Ni e, chung kan beiseina tihlawh-tingtute chu hruaitu en a en pawh an awlsam a, an hruai nih pawh a nuam thin a ni.  
 Hetih lai hian, HRUAITU nihna lam kan lak vawng lutukna lamah pawl leh khawtlangin HOTU chan chang ngam kan tlakchham phah ta fo niin alang. Hruaitu tam takin intihotu nih kan hlahu avangin huaisen taka thu tihtlang ngam hunah kan ti tlang ngam lo fo a, kan muang sual fo thei. Ni e, inphahhniam hun leh zawldawh hun te, midang zai ngaih hun a awmthin, amaherawhchu rorel hun a awm angin rang taka thu tihtluk ngam a tul hun pawh a awm thin a ni. Hruaitu tha tak tak kan neih rual hian hotu tha kan mamawh bawk si a, mipui/member-te pawhin sel theih apiang seltu nih ringawt tum lo ila, kan hnam pawh hian hma a sawn chak deuh mahna le.

Branch YMA Office Bearer		
<b>President</b> Pu HD Daniala 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David Ialrosanga 9436158962
<b>Vice President</b> Pu S. Lalthangliana 89748 30454	<b>Assistant Secretary</b> Nl. Florence Zoremsangi 9612761781	<b>Financial Secretary</b> Pu Rotlingpuia 9862385193

Chawngbawla Section thu:  
 Chawngbawla Section huam chhunga kawngkhuar leh chhezual laite VC hmalakna a Alkatra leh Rora Chips hmanga hnawha siam that a ni chu veng mipui ten lawmawm an tiin, Section hruaituten VC te chungah lawm thu an sawi.  
 Ni 27.02.2021 (Inrinni) khan kawng khuar leh chhezual siam hmabak la awm te chu Section Executive Committee ten siam chhonzawm a ni a, kawng siam nana Alkatra leh Rora Chips a thlawna petu Khuangpuilam VC te chungah lawm thu an sawi tak meuh meuh a ni.  
 Section huam chhungah YMA membership fee, endowment fund, Tlangau hlawh leh chhiatni fund te khawn mek a ni a. Chhung tin te lo in ring lawk theuh turin Section hruaituten an ngen.

**CYMA hmalakna**  
 CYMA-in hmalak chhonzawm zel  
 Central YMA president Vanlalruata chuan, Mizorama kawngpui siamte chu CYMA leh PWD-in inremna (agreement) an ziah anga siam a nih ngei theih nan YMA-in hma an lak zui zel dawn thu a sawi.  
 Vanglaini palai zawhna chhangin CYMA President chuan, report an dawn bawhzuiin kawng siam mekte an endik thu a sawi a, "Kan report dawn ang ngeiin kan kawng enfiahte an siam chhezualawm. Kan thil hmuh chhuahte chu sorkarah kan thlen tawh a, an hmalak zel dan kan ngaichang. Kan hmalaknain rah tha a chhuah leh chhuah loh pawh kan la hre chiah lo," a ti.  
 Vanlalruata chuan, kawng siam hna vil chu an chawlhlan mai dawn lo tih sawiin, Tunah chuan hmun hrang hrang atangin kawng siam mek enfiah tura sawmna kan dawn belh zel a, a tul angin enfiah hna kan thawk zel dawn," a ti a. YMA group leh sub-headquarter hrang hrangte pawhin kawng endik hna an thawh thu a sawi.  
 CYMA President chuan, Mizo-rama kawng siamte a nih dan ang tur taka siam chu an duh ber a nih thu sawiin, "Kawng siam tha lo leh tlo lo lutuk thin hi keini chuan tha kan ti lo. Theihtawp kan chhuah chhonzawm zel dawn," a ti.  
 Hmun hrang hranga kawng siam hna thawh an endik hnu February 4, 2021 khan Central YMA hruaitute chuan thuthar theh-darhtute kawmin, Mizorama inkalpawhna kawngpui siama hna thawh mekah a huna thawh zawh

**CENTRAL YMA CHETVELNA**  
 23.2.2021 : Chief Secretary Conference room-ah State Executive Committee, Covid 19 meeting neih a ni a, Pu Vanlalruata President a tel.  
 24.2.2021 : West Lungdar khua-a Govt. Middle School building tur sak mek chu, a sak phung leh a sak nana hmanraw hman te a that tawh loh bakah, school building sak thu-ah hian thil fel tawh lo awm ngeia a lan vangin, Tv. Lalmachhuana Vice President, "Er. Lallawmzuala Pautu CEC, Pu Vanlalruata CEC, Pu Ramhnehliana, Kumpuan "Sub-Committee ten a hmunah enfiahin, thil awm dan an zirchiang a, Khuangchera Group YMA leh West Lungdar Branch YMA hruaitu ten an tawiawm.  
 25.2.2021 : E-in-C, PHED Pisa-ah Central YMA leh PHED Coordination Committee meeting neih a ni a, Pu F. Lalfakawma CEC, Pu Lalchhuanmawia CEC leh Pu F. Lalramchuan CEC te an tel.  
 26.2.2021 : Sub-Hqrs. YMA, Mamit-in Chhimveng Branch YMA Hall-ah kum 2021-2023 Office Bearers tur thlanna hun programme an hmang a, Prof. Lalnuntluanga, General Secretary, Pu Lalsangzuala Sailo CEC, Tv. Zochhuana CEC, Pu H.F. Lalrinpuia CEC leh Pu Vanlalruata CEC ten an hmanpui.

(column leh lam a mi zawmna)  
 loh, contractor hminga mi dangin an thawh, hnathawh mumal awm si loa running bill pek leh thil dang tha lo a awm thu an sawi a, "A lung-chhiatthlak tak zet a ni," an ti.  
 CYMA hruaitute'n press mite an kawm hnu, February 8 khan chief minister Zoramthanga chuan PWD hotute leh CYMA hruaitute a kawm a; PWD-in contract a ziahpuite chuan an hna chin tha tak leh specification anga thawh zo tura hrih an nih thu an sawi a, chutiang a nih loh chuan contractor-te chu 'blacklist' in, Mizoram sorkar hnuiaia hna thawh thei tawh lo tura chhinchhiah an nih tawh tur thu tarlan a ni.  
 Kum 2017-a YMA General Conference-ah, 'Mizoram hmun hrang hranga inkalpawhna kan neihte hi tun aia tha leh changtlung zawka siam a nih theih nan CYMA-in hma la rawh se,' tia rel a ni a; chumi bawhzuina atan chuan CYMA-in April 11, 2018 khan PWD chu memorandum of understanding a ziahpuia ni.



Thu ziaik Huang

- Dawngkimi Pa

National Science Day (NSD)

India chhulchhuak Physicist ropui Sir C.V. Ramana’n ‘*Raman effect*’ a hmuh chhuah hriatreng nana kum tin ni 28 February-a an hman thin *National Science Day (NSD)* a nih angin chumi lam hawiin a lo chhuah dan han tarlang dawn i la.

Kan sawi tak angin ‘*Raman effect*’ a hmuh chhuah avang hian Sir C.V. Raman hian kum 1930 khan *Physics subject*-ah ‘*Nobel Prize*’ a dawng nghe nghe a. Kum 1986 khan *National Council for Science and Technology Communication (NCSTC)* ten India sawrkar hnenah February ni 28 *National Science Day* atana puang turin an ngen a. Tichuan kum 1987 February ni 28-ah chuan *NSD (National Science Day)* hmasa ber hmangin *NCSTC* chuan *Science* lama hmasawwna thawk thate tan *National Science Popularization awards* a puang tan a. Kum tinin zirna in hrang hrangah a hmanna hun neih thin a ni a. Thupui hrang hrang neiin inzirtirna neih thin piah lamah *debate, quiz competition*, adt neih thin a ni a. *Media* hrang hrangah pawh *programme* hman thin a ni.

Kan nitin nuna *Science* pawimawhna te kan hriat thar nan *National Science Day* hi hman thin a ni a. Tin, *Science* lama hmasawwna hrang hrang kan neih te lan chhuahtir thin a ni bawk. Thil pawimawh hmasawwna ruhrel thar kalpui dan tur sawi khawmna hun atan te, *Science* lama kan than harh zel theih nana mipuite rilru chawh thawhna hun atan te hman thin a ni.

Hetiang hian kum tin thupui neiin an lo hmang tawh thin a ni.

- Kum 1999-ah ‘*Our Changing Earth*’.
- Kum 2000-ah ‘*Recreating Interest in Basic Science*’.
- Kum 2001-ah ‘*Information Technology for Science Education*’.
- Kum 2002-ah ‘*Wealth From Waste*’.
- Kum 2003-ah ‘*50 years of DNA & 25 years of IVF – The Blue print of Life*’.
- Kum 2004-ah ‘*Encouraging Scientific Awareness in Community*’.
- Kum 2005-ah ‘*Celebrating Physics*’.
- Kum 2006-ah ‘*Nurture Nature for our future*’.
- Kum 2007-ah ‘*More Crop Per Drop*’.
- Kum 2008-ah ‘*Understanding the Planet Earth*’.
- Kum 2009-ah ‘*Expanding Horizons of Science*’.
- Kum 2010-ah ‘*Gender Equity, Science & Technology for Sustainable Development*’.
- Kum 2011-ah ‘*Chemistry in Daily Life*’.
- Kum 2012-ah ‘*Clean Energy Options and Nuclear Safety*’.
- Kum 2013-ah ‘*Genetically Modified Crops and Food Security*’.
- Kum 2014-ah ‘*Fostering Scientific Temper*’.
- Kum 2015-ah ‘*Science for Nation Building*’.
- Kum 2016-ah ‘*Scientific Issues for Development of the Nation*’.
- Kum 2017-ah ‘*Science and Technology for Specially Abled Persons*’.
- Kum 2018-ah ‘*Science and Technology for a sustainable future*’.
- Kum 2019 ‘*Science for the People, and the People for Science*’.
- Kum 2020-ah ‘*Women in Science*’.

Kumin hian thupui atan ‘*Future of STI: Impacts on Education, Skills and Work,*’ tih hman a ni dawn a ni.

Mihring hi an lan dan atangin en mai lo la; an lan dan leh an nihna chu danglam daih thei a ni. Midang nen in awm dun reng rengin chungtlak ngai suh ang che.

Naupang Huang

Unau inhmangaih

An nu leh pa te an thih hma avangin Hebrai mipa naupang pahnihte chu an khawngaihthlak hle a. Chhungte belin an awm ta ringawt mai a! Rethei hle mahse an unau an inhmangaih thiam em em a. A upa zawk pawh a nu leh pa te an thih hian kum 11 mi lek a la ni. In hmangaih tak leh chhungte thuawih tak an nih avangin an ti chhe hran lova, an duat viau bawk thin a ni.

Thian dang kawm vak lovin an unau chuan an inkawm mai thin a. An nuna thil thil lawmawm a lo thlen chang te hian an mahni hringtu nu leh pa ten hre ve se an ti thei em em a. “Ka nu leh pa kha chu la dam se aw,” an ti vawng vawng thin. Mahse, chutiang hun an tawh chang pawhin, a u zawk chuan, “Valte, hawh engkim hretu Pathian hnenah i tawngtai ang. Ani chu nitina kan phur min phurh saktu a ni si a,” a ti a, thingthiin an unauin an tawngtai ta thin a ni. An hlim loh ni, chhungkhat laina emaw thiante emaw laka lungawi loh ni a thlen pawhin Pathian hnenah bawk tawngtaiin an inhlan thin a. “Lal Isua kan thian tha berin, Kan mangan laiin min lawm...” tih hla hi an duh em em thin a, an sa ning thei lo a ni ber mai.

Hun a inher zel a, puitling an lo ni ta der a. An unau chuan in dan (in hrang luah) a inbawl hran ve an zai an rel ta a. An unau chauhva an awm hnu pawhin nitin chhung inkhawm an nei thin a. Nu leh pa nei lo mahse Pathian hretu leh tih tlattu an nih avangin nu leh pa kara mi tam takin an nun chu an entawn thin a ni. Zu leh ruihtheih thil dang an ti ngai reng reng lova, kohhran leh khawtlang hruaitute pawhin an fak hle thin a ni.

Nupui neia fa pahnih a neih hnu chuan a upa zawk chu a indang ta a. Hun engemaw chen inhmu lova an awm hnu chuan a nau zawk chuan, “Ka u te kha engtin nge an awm zel ang aw? Kei lah hei engkim hniang hnarin ka awm si a. Khawnge an fate duhzawng tur kan dap khawm teh ang,” a ti. Chutih lai vek chuan a u chuan, “Ka nau(Valtea) kha engtin tak awm zel ang maw? Ei tur a lo tlachham ta ang a! Buh kan ngah lai a ni bawk a, ka va pe teh ang,” a ti a.

Unau pahnihte chu kawngah an intawk ta hlawl mai le! A u zawk chuan, “Valte, engnge i bag-ah khan awm? Khawiah nge i kalpui zel dawn?” a ti a. A nau chuan, “Ka u, i fate ta tur a nih hi, in khawsak a lo har palh anga ka ti a, ka rawn pe dawn che a ni,” a ti a. A u zawk chuan, “E, heti tak hian a ni maw min lo hmangaih a, kei pawhin i harsat ka ring tawh a, he buh hi i lo ei atan ka lo pe dawn che a,” a ti a. Hlim takin an inkuah a, an inpawm vawng vawng ta a.

(Phek 4-na chhunzawmna)

hnenah pein emaw, a pasalin hmun chu a neih dawn chuan, a nupui hnenah in hmun man chu pein emaw an inremsiam thei. Chutianga an inremsiam theih loh chuan roreltute thu lo chuan a tu zawk zawk mahin mahni chanpual ni lo chungah thuneihna an nei ngawt thei lo.

Chang 52 - INRU :

Mipain hmeichhia nupuia neih duhin nu leh pate hriatpui lohvin an inah hruai sela, 'Inru' a ni. Man leh mual thua inru chu fan anga ngaih a ni. Chang 36 sawi anga insawiremna a awm loh chuan nupui pasala pawm a ni lo. An insawirem hnuah chuan hmeichhe man tlaian a pung thin.

(Chhunzawm zel tur)

Mizo Dan leh Hrai

MIZO HNAM DAN (Mizo Customary Law)  
Published by Law & Judicial Department, Government of Mizoram. 1st Edition 2006.

BUNG - 3 : NUPUI PASAL INNEIH THU

**Chang 48 - PALAI SA :** Inneihnaah lawina ran talh a awm chuan a dar emaw, a nakruh pahnih hleh emaw, palai sa atan palaite hnena pek tur a ni. Mo lawmnaa ran talh belh a nih chuan Palaiin palai sa dang a phut tur a ni lo.

**Chang 49 - NU MAN :** Nupa inthen tawh fanu emaw, nulat fain emaw pasal a neih a, a nuin a man a ei ve thin hi Nu-man a ni a. Manang a ni lo. Nu man chu cheng sawmnhni (₹ 20/-) a ni a, a hringtu, a nu dik tak chauhin a ei tur a ni.

**Chang 50 - HMEICHHE BUNGRUA :** Hmeichhiain pasal a neiha a chhawmluh ngei tur 'Hmeichhe bungrua' tih thin chu henge hi a ni - Pawnpui te, Thul te, Thingrem te, Phurhhlan te, Thembu te leh Zawlkenpuan te hi.

Hmeichhia pasal neiin Pawnpui chhawm tur nei lo sela, a pasalin a lamsakin emaw, a pasal ina a puahin emaw, hmeichhe man chu Tlaiin a kiam thin. Puah laiin hmeichhia chu thi sela man kiam tur a kiam lo vang. A dangte hi chu neih loh vanga man kiamna a ni lo. Pawnpui chu lo chhia sela, a pasal in atangin puah leh sela, a tira a chhawm anga ngaih tur a ni. Hmeichhia thi sela fa thihsan a neih loh chuan Pawnpui tih a bungruate chu a chungten an la kir leh thin a; fa a neih erawh chuan lak kir tur a ni lo. Pasalin nupui dang a neih leh dawnah erawh chuan, Pawnpui pawh lak kir a ni thin.

**Chang 51 - THUAM :** Hmeichhia pasal nei, a pain emaw, a man eitute emawin thil engpawh an chhawmtir reng reng chu Thuam a ni. Thuam chu a hnuai a zia k zat emaw, a aia tam emaw pawh a ni thei a, a aia tlem erawh chu Thuama chhiar a ni lo.

1) Thival hrui thum emaw

2) Thifen hlui hrui khat leh thival tak hrui khat emaw

3) Thihna tangka cheng 20 man aia hniam lo emaw

4) Tangka fai Rs.20/- aia tlem lo emaw

'Thuam' hi chi hniha then theih a ni :

1) **Laksawn theih Thuam :** Laksawn theih Thuam chuan thil pathum, Incheina lam te, Inchhung bungrua te, pawn lama awm khawih chet theih te a huam.

2) **Laksawn theih loh Thuam :** Laksawn theih loh Thuam chuan In hmun te, Huan te, Sangha dil te leh thil dang khawihchet theih loh Thuam atana an pek chu a huam vek.

**Hrilhfiahna :** Thuam nei reng reng chu a man Tlai (₹ 20/-) in a puang thin. Thuam chu inneih ni kher lovah pawh pek theih a ni. Pek laiin Thuam a ni ngei tih sawi chian tur a ni.

Nupa chu lo inthen sela, uire vang a nih loh chuan thuam zawng zawng a chhuahpui vek thei. Amaherawh chu, Nupui chu a thih a, Thutphah tih loh a man dang zawng zawng chu pek tlak a nih baw k chuan, Thuam zawng zawng kir mah se, Thutphah a kir ve lo.

Thuam reng reng chu thil pawimawh bik tam barah leh an nupaa pawimawh an tih dun thin dangah te pawh an hmang thei a. Amaherawhchu in hmuna insak nana emaw, huan enkawl nan emaw, pawisa puk tulna thilah a pasal chuan in hmun chu ama hmingin dah mah se, a hmun kha chu a chhawmtu Thuam a ni reng. Chutiang baw k chuan Thuam chu tambar thil ni lo, nawmchenna lam thil atan an nupaa remtih dunin lo hmang pawh ni se, a pasalin a nupui chu a mak chuan, thuam an lo hman man chu a pasal chuan a rul ang.

Hmeichhiain sum a chhuahin emaw, mipain a nupui a makin emaw, thuam zawng zawng a kirthai. Chuvang chuan, pasal nei chu tupawhin eng pawhin lo thuam se, a thuamtu remtihna tel lo chuan neitu nihna tihdanglam theih a ni lo. Hmeichhe Thuam, in hmunah mipa sensovin in sa sela, hmeichhia chuan sum chhuah leh si sela, in hmun chu a ta a ni reng; mahse, in chu mipa ta a ni. Hmeichhiain a in chu a neih dawn chuan a sakna man a pasal

(Phek 3-naah zawmna)

Hriselna Huang

TV En Tamin Lung Natna Thlen Awlsam

A tuk a zana TV hmaa thuta en reng hian a en ve lote aiin lung natna a thlen awlsam bik a ni tiin Doctor mithiamte chuan an sawi a ni. An enchhinnaa an hmuh chhuah chu TV hmaa thuta ni khatah darkar 1 lek kan en ringawt pawh hian lung natna avanga thih theihna zaah pasarih (7%) a kai chho thei a ni tih hi a ni. Britain (UK) a mi tam tak chuan an rilru leh mit chak zawng Channel tin reng enin nitin darkar 4 tha vel an hun khawhral nan an hman thin avangin lung natna thlen theihna percentage pawh a sang hle a, zaah sawmnhni leh pariat (28%) laia a han san thu British Research Council chuan a tarlang a ni.

A chhan chu Britain (United Kingdom) ah hian kum tin mi 1,93,000 chuang lung natnain an thi thin a, ramchhunga natna chi hrang hrang thihnaah percentage a san ber thu an hmu chhuak. He an research beihnaa an hotu ber Dr. Catherine chuan mihring taksa hi awm hmun sawn lova darkar rei tak tak thut hi a nih dan phung a ni lo tiin a sawi. Research beitate chuan mi 373 thi tawhte awm dan an enchian a, ngun thluk taka an sawiho hnu chuan tuna an hmuh dan hi mipui hriatah an tlangzarh ta a ni. Chuvangin TV hmaa hun rei tak tak thutna lak ata kan fihlim theih phawt chuan kan taksa lung natna hlauhawm thlen theihna zaah pariat (8%)-in a tlahniam thei dawn a ni.... tiin mithiamte chuan an sawi a ni.

(Zo Vapual)

Hriatzauna Huang

1. USA-ah khuan thir hi Motor siamna aiin Bottle chhin siam nan an hmang ral tam zawk.

2. Hmeichhia 83% te hi an rih lam (weight) aiin an kumah dawt an sawi nasa zawk.

3. Khawvel pumpuia Facebook hmangtute hman rei zawng chawhrualin nitin minute 55 vel theuh a ni.

4. Basketball hi kum 1891-a an hmuh chhuah a ni a. Kum 15 hnuaah basket mawng tih pawp nachang an hre chauh.

5. Khawizu chiah hi mihring thil ei zinga hing/chhe thei lo anih rualin pumpuiin pai nuam a tih ber a ni baw k. A chhan chu khuaiin a lo pai tawih tawh vang a ni.

6. Pindan thim tak, eng awm miah lohnaah hian ni 3 chung min khung ta se, kan mit a del hlen ang.

7. Netherlands ram hian Canada hnenah kumtin Tulip pangpar kung 20,000 an thaw n ziah a. Indopui II-naa Canada-in a lo tanpui avanga an lawmthu sawina a ni.

8. Tuia cheng thin sahran (sea otters) te hi zana an muthilh hian an invuan khawm vek thin. An muthilh hlana tuiin a len sawn loh nan an tih ve a ni.

9. Kum 1930 Good Friday khan BBC chuan News puan tur a nei lo tlat. News puan aiah 'There is no News' tih tarlangin Gospel Music an play.

10. Khawmualkaikuang te hi tuiah an khawsa thei na a, tui chungah an thaw thei miah lo. Thaw lovin ni 6 zet an awm thei thung a ni.

11. Kum 1895 khan Ohio State, USA-ah chuan car 2 chiah a awm a. Vanduaithlak takin an la insu palh zui mawle...!!

12. Kum 1640 vel khan Vawk ril hi condoms-ah an lo hmang tawh. An duhtaw k in an tan a, a hmawr an thui ping a, an hmang mai thin niin an sawi.

13. School Bus rawng atan hian khawvel hmun tinah rawng eng (yellow) an hmang nasa hle. Mihring thluak hian rawng eng hi a hip hma em em a. Hriat a awlsam bik an ti tlat.